

特約撰述 香港新界風土名勝大觀 江山故人

(八六二)

(禁止轉載)

第三章 南部寫真

(廿七) 坪洲

坪洲為新界南部一小島。面積約有半英里。僅得長洲之半耳。地居香港與大嶼山之間。西距大嶼山東岸一英里。東去香港四英里餘。南望車公門。去長洲亦四英里。北對大嶼山之東北岸。斜望汲水門碼頭。青衣亦遙遙相對也。其東有銀洲小校椅洲。西有大白洲。村居散處西南兩岸。山之最高者曰水登山。亦不過三百三十八英尺之高耳。全洲山脈。不甚峻峭。宜多樹少。景不幽妍。居民六百餘。皆

雜姓。且無大族。道光中葉。漁者多聚此。久之。遂家焉。迄今各處來者皆同。或為農漁。或為工商。築樓成市。日以繁盛。其最繁盛處為洲西之坪洲灣。該處有永安街天后宮廣發源皮廠志仁學校坪洲農牧豐隆公司黃玉泉及龍泉兩茶樓。商務咸集於永安街。有雜貨山貨洋貨菓餅銅鐵油草等類。略似長洲之大新街。儼然一小市鎮矣。

香港新界小輪公司派合安輪行走該處。船泊香港西營盤誠魚欄新界小輪碼頭。由香港開。上午六時及下午二時。由坪洲返。上午七時。及下午三時半。船費一律三角。然合安輪時或拖渡往洋船。故晨六時由香港開行之一。約延二十分鐘。此不過偶一為之耳。舟行本需五十分鐘。返時則快十分鐘。蓋順流與逆流之故也。舟行經青洲之側。約三十五分鐘。抵大校椅洲。暗濤洶湧。舟為簸蕩不已。不慣海行者。往往嘔浪。此處海面適當汲水門之下流。雖值日麗風和。

亦生暗湧。合安輪司舵者言。此種暗湧。約由農曆四月至九月。在每月之初幾至十幾為最劇烈。大校椅洲之形勢。遠望如校椅。草石叢雜。荒莽無人居者。其南有洞三四。幽深莫測。舟離大校椅洲。約行十餘分鐘。即見小校椅洲。又十分鐘。至坪洲之南岸。遙望銀洲。在坪洲之一角。如火華洲之接鴨洲者然。舟遂北轉。徐徐進坪洲灣。則抵步矣。此處無碼頭。搭客登岸。須艇渡之。艇為專利者。無遠。如瓜皮式。可容二十人。行不五分鐘即達。每人艇資半角。

(未完)

特約撰述 香港新界風土名勝大觀 江山故人

(九六二)

(禁止轉載)

第三章 南部寫真

(廿七) 坪洲

坪洲往長洲 坪洲與長洲之交通。每日皆有帆船往還。土人稱曰街渡。艇資每人二角。若僱別艇者。則需一元至二元也。艇向南行一里。即轉舵而駛。稍偏於東。以順海流。將至軍公門。傍坭姑洲西北岸而行。折而南。經銀鑛灣口。山妍水媚。浪靜風平。艇行一小時四十分。至長洲西北與大嶼山東南岸相距處。則有一河兩岸之勝。將入長洲灣。石排屹立海中。如鋸齒釘耙。

錯落有致。中有虎頭石。尤為詭異。舟行至此。如經鑿慶峽者然。計由坪洲至長洲。共需兩小時也。惟此行極趣。大有輕舟已過萬重山之概者。

市街一瞥 全市約有屋宇六十餘間。皆相對而立。且多編有門牌者。中為永安街。自南而北。長數百碼。樓各最高二層。宏敞整齊。一如筍筍灣。木店茶樓雜貨洋貨餅食等商。尤為整飾。其北有天后宮志仁學校及廣發源皮店。其南多灰窖及油草山貨華商。坪洲灣臨其西。樓

宇背海。小舟繫岸。永發山聳立其東南。遠影印流。波光如鏡。小艇經處。一痕如抹。東去百餘碼則為東灣。沙灘綿亘千數百尺。其底多石。距岸二百碼猶然。潮漲。近海灘處。頗宜於泳。遠望白雲深處。猶見香島山脈隱約其間也。

農牧 坪洲雖為蕞爾之小島。亦有大規模之農牧場一所。其名曰香港新界坪洲農牧豐隆公司。位於東灣地段第一號。東南倚永發山。西去市街數百碼耳。該場佔地約三十華畝。工人三十餘

。乃民國十八年間港商羅日初陳芳等所創辦也。其始名坪洲農牧公司。約三年後。場事改組。遂改今名。由羅陳二氏主理之。出產以辣椒。蘭白菜心桃。番石榴。番荔枝。數種為最大宗。荔枝檸檬楊桃等則次之也。畜類則有雞鴨。豕數種。鴨豕皆不逾百。有六七百。工人祇得六七。視前大遜。蓋未得專門人材管理之也。然所產亦能維持現狀。出品以運售於長洲及香港兩處為最多。羅氏謂將聘農牧專家以發展該場所。則其將來之收穫。當比前為尤勝矣。

(未完)

特約撰述 香港新界風土名勝大觀 江山故人

(〇七二)

(禁止轉載)

第三章 南部寫真

(廿七) 坪洲

灰窖 坪洲灰窖。夙所著稱。昔有十餘間。工人多至五六百。一時甚盛也。其後為日本白灰所影響。一蹶不振。業大衰落。今僅存義合宏利勝利及大利四間耳。大利設於大白灣之洲仔。亦名大白洲。距坪洲西北岸至近。面積甚小。約得坪洲二十份之一。其餘三間則散處坪洲之南北也。計每窖有爐六七。每爐需工人四。日可燒七八爐。灰價每元可得三

十餘羅。視昔每元得十一二羅者。價跌二倍。製灰原料。多取自直公門及大校椅洲之海底。取得。以桶盛之。售於灰窖。每桶取價一角二分也。

茶樓 共有黃玉泉及龍泉兩間。皆在永安街之中部。玉泉佔地較廣。背海面市。樓上營業。樓下會館。龍泉在其對方之樓下。地極狹隘。不宜久坐。兩樓營業狀況。約略相同。日間祇設茶點。晚上兼營粥品。惟無麵食及小酌。欲謀一醉者。望望然去之也。

教育 坪洲居民六七百。學校設立。大感缺乏。祇有坪洲公立志仁學校一所而已。該校設於永安街有年。讀者僅二三十人。民國廿四年春。洲農牧牧豐隆公司之羅日初氏發起籌建新校舍於市街之北。洲人慷慨相助。轉風落成。共費二千二百餘金。校舍頗壯麗。樓以崇垣。前開闊地。後為課室。可容七十餘人。今有男女學生三十五人。教員黃紹興。主校事曹廣源。庶務陳敬權及安華雜貨店鄭華軒二氏。校中經費。洲人合力維持。而需

港政府每年亦有二百餘金津貼之也。

治安 洲中無警署。居民組有自治團。每月月供一元數角不等。備自槍枝若干。以助長洲警署巡邏之不逮也。

龍口井 洲人食水。咸取於井。金洲共向井四。以龍口井為最甘美。該井位於坪洲農牧牧豐隆公司之門右。井深尺許。丁方二尺餘。底廣闊為石質。且旁置碗一桶。一。洲之人。以該井不深。水清而冽。許為來龍結穴之勝地。遂名之曰龍口井。

(未完)

特約撰述

香港新界風土名勝大觀

江山故人

一七二 (禁止轉載)

第三章 南部寫真

(廿七) 坪洲

天后宮 位于永安街四十
九號。結構軒敞。有如坑口所
見者。其左右為民居。前臨
曠地。望坪洲灣。明顏天后
宮三字。欸暑光緒丙子年孟
冬重修。沐恩衆信弟子同建
立。配聯曰。地僻煥新猷。幸
藉鴻慈通水陸。靈神傳聖蹟
。故留廟貌壯山河。又光緒
廿三年季春郭乃安所題贈者
云。傾四海之波濤。舟楫咸
沾大化。配九天之雨澤。人
民共賴神光。進內。門之右
。置帆船一。長六尺。神座

之前。懸數扁額。並有聯曰
。海靜波微。浩蕩神恩敷赤子
。民豐物阜。巍峨母德濟蒼
生。乃道光十七年黃榮美所
贈者。所有鐘鼓神像。一如
常廟。惟籤筒則書有一坪洲
東拖聖母靈籤八字。想東拖
或為該處之地名也。廟建於
清嘉慶戊午年。迄今百餘載
矣。至光緒二年丙子重修。
有重修天后宮碑記一文。錄於
廟之右壁。其文曰。原夫天
后元君也。先朝活佛。昭代
功臣。恩深護國。德重庇民
。跡著莆田。顯英聲於奕世
。膏流梓里。普惠澤於無邊

。此所以母儀稱其廣大。聖
道仰其崇高耳。惟坪洲灣之
天后宮。創建始自嘉慶戊午
年。繼重修而迄於光緒丙子
歲。春秋歷久。陶瓦漸穿。
歲月遞更。屋椽亦壞。尊神
不無燼染。衆像又波塵蒙。
由是謀諸杯卜。則曰舍舊而
圖新。酌之同人。更欲美輪
而美奐。但綢繆風雨。固所
宜先。而策劃資財。尙將有
待。况地處偏隅。枕山控海
。洲分一角。帶水笠六。且
舖戶無多。居民鮮少。倘非
集腋。安得成裘。不意閩洲
士女。踴躍簽題。各處商民
。慇懃樂助。大啓積貯之藏

。同揮四椽之簠。博以義起
。義以敬伸。因之鳩工重建。
鳳閣翻新。頓改規模。髣髴
金輪飛羽。森然氣象。依稀
銅柱披香。則神威與廟貌而
推新。人事與天時而濟美矣
。然而踴躍輸將。自當姓氏流
傳。告竣成功。猶宜芳名布列
。合勒貞民(二字王旁)。永垂
不朽。是為序。遷列坪洲值事
葉志和黃由禧等及捐款者姓
氏百餘。末署光緒三年丁丑
歲季冬月吉旦立石。此為坪
洲僅有之古廟。重修至今。又
歷六十載。讀其碑。可想見
當日之坪洲。仍不甚寂寞也

(未完)

特約撰述 香港新界風土名勝大觀

江山故人

(二七二)

(禁止轉載)

第三章 南部寫真

(廿七) 坪洲

奉禁封船碑。在昔坪洲居民。多屬漁戶。而漁船往來該處者亦至多。洲之人。出海而漁。屢受新安縣兵吏封用船隻。以資誘緝。洲人不堪其擾。乃呈准有司。禁兵封船。且勒碑于天后宮附近。以誌其事。並告後來之滋擾者。碑高五尺許。題曰奉禁封船碑。為新安縣正堂戚氏所批示。時道光十五年七月十九日也。然今日新界之碑版多矣。關於廟宇

者尤多也。求其為清吏所批示於民衆者。如鳳毛麟角。然元朗雖有之。惟不完美。坪洲之有此碑。新界古蹟又增一所。憑弔之處。遊坪洲之人。讀此碑。頓覺時移世易。無限懷懷者。則此碑之在今日。雖失於用。而不當一頁傷心史。重現目前。足與九龍寨城內之龍津義學一碑永垂不朽。此碑誠足珍也。此碑誠足珍也。恭錄該碑原文如下。文曰。署新安縣正堂加十級紀錄十次戚。為准即立石以垂久遠事。現據蛋民黃勝興黎正興李鳳大馮廣

益高發安黃勝長黎蕃業樊創青黃四金張昌喜黃勝祥黎金有等呈稱。案奉憲行。每月輪雇蟻船漁船兩只。送營扮商請緝。各按船水名數。日給口糧。並無時刻。惟是蟻船驚船謀生。金資探捕。雖奉差固非楊腹。而安家究有不敷。况船內多有弊管同居。與弁兵輪雇。終屬不便。當經蟻船聯呈。叩蒙稟前憲會同吳遊府聯軍督憲。嚴批據稟營務。公同捐製蝦笏艇二只。以資緝捕。將輪雇漁船。送營請緝一事。永遠停止。免執累並辦甚好。仰東

布政司會同按察司督糧道行縣遵照等因。雖蒙梁前憲吳遊府聯銜示禁。但未蒙立石。誠恐日久弊生。貽累無窮。今議等公同商酌。情願捐資立石。伏乞准即立石。永遠禁止。以免日久弊生等情。到縣據此。查本案先據黃勝興等具呈。當經前憲會同營員稟奉督憲批行。永遠禁止。會營示禁在案。茲據前呈。除批示外。合再勒石示禁。為此示諭閩邑船戶及諸色人等知悉。所有輪雇漁船送營請緝一事。前已奉行永遠停止。

(未完)

特約撰述 香港新界風土名勝大觀 江山故人

(禁止轉載)

(三七二)

第二章 南部寫真

(廿七) 坪洲

爾船戶人等。即各安本業。倘有不法匪徒。假冒兵差名色。仍有捏稱封船送營。誘緝勒索滋擾情事。許該船戶人等投同澳甲。擒拿細解。或指名稟赴本縣。以憑飭差拿究。各宜凜遵毋違。特示。道光十五年七月十九日。給示勒石。一。攷道光十五年。即西曆一八三五年。至今已歷百載。視為古物可矣。然此官樣文章。所以保障坪洲之漁戶者。實無關宏旨。奚須珍視之。惟碑中所指

之官銜及送營誘緝等語。饒有掌故性質。則使讀碑者於憑弔靡望之頃。猶能指點以話新安政蹟。低徊往事。不無興廢之感矣。攷當日封船送營誘緝之事。想必屬大鵬協右營守府之所為。時右營守府設大嶼山東涌鄉。坪洲近大嶼山東岸。必為右營所轄之地。所謂送營誘緝。指此言也。當時新安兵備。自大鵬協鎮都督府以下。又設大鵬協鎮中軍都督府(在九龍寨城)。大鵬協左營守府(在七娘山麓之大鵬城)及大鵬協右營守府等。清初時。新

安兵制。異於嘉道之間。古今圖書集成載新安兵制攷云。一防守新安營額設兵五百名。康熙三年。再立邊界。增兵五百名。共足一千名。原設守備一員。千總一員。中軍守備一員。千總二員。把總四員。兼轄大鵬所防守營。并轄東莞防守營。康熙四年。廣州左路總兵張國勛奉旨移鎮。康熙六年。總兵于奮起移鎮。康熙七年。罷移鎮。總督周有德以大鵬營屬惠州副將管轄。而新安營不轄大鵬東莞二營矣。一。清末每營又分正副總司。城守都府。守備等職。故左營

右營之稱謂。在當日固甚普遍也。

(廿八) 坭姑洲

坭姑洲。一作尼姑洲。距坪洲之南一英里半。面積僅得坪洲之半。洲面相隔處。曰車公門海峽。廣數百碼耳。西對大嶼山東岸之銀鑛灣。洲上居民多。分過路環及牛頭塘二。過路環偏於西北。有港江李氏所設之集益灰窑。凡四間。牛頭塘在洲之西南。稍有村舍。洲中無大山。高者亦不逾四百英尺也。(未完)